




## ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ՏԱԾԱՐՈՒՄ

**Մայիսի 28-ին, շաբաթ օրը,** երեկոյան ժամերգությունից հետո, Մայր տաճարում քահանայական ձեռնադրության կոչման արարողություն է կատարվում՝ ձեռամբ Մայր տաճարի լուսարարապետ տ. Հուսիկ եպս. Սանթրոյանի:

Հոգևոր անմարանից 1960 թվականի շրջանավարտ Սարգիս արկ. Սարգսյանը և Վազգեն արկ. Ասատուրյանը, որը 1976—1977 ուսումնական տարում իր հայագիտական ուսումը կատարելագործում էր հոգևոր անմարանում, քահանայական ձեռնադրություն ընդունեցին ըստ Ձեռնադրության Մաշտոցի:

Հնչում է «Նալեաց ի մեզ» շարականը: Ավանդատից դեպի իջման ս. սեղանն է առաջնորդվում ձեռնադրող սրբազանը, որին հետևում են նորընծաներ Սարգիս և Վազգեն սարկավազները:

Խարտավիլակի պաշտոնը կատարում է տ. Հակոբ արքեպ. Գրլընճյանը:

Հաճիխավոր հայտարարությամբ նորընծաները հանձն են առնում «ամենայն պատրաստությամբ և առանց ձանձրանալու կալ ի պաշտօնն Աստուծոյ, և ոչ խափանել զգործն Աստուծոյ վասն մարմնաւոր գործոյ»:

Ապա տեղի է ունենում նորընծաների ուղղափառ դավանության հրապարակային խոստովանությունը. «Ունիմք զդասնութիւն ուղղափառ հաւատոյ... ընդ սուրբ Հայրապետսն...», և խոստանում են աշակերտել ու հետևել Հայաստանյայց եկեղեցու ուղղափառ հայրապետներին և վարդապետներին:

**Մայիսի 29-ին, կիրակի. Հոգեգալուստ.** առավոտյան ժամը 11-ին Մայր տաճարում սկսվում է ս. պատարագի արարողությունը: Պատարագում է Մայր տաճարի լուսարարապետ տ. Հուսիկ եպս. Սանթրոյանը:

«Զի ողորմած և մարդասէր ես Աստուած» մատթանքից հետո հնչում է «Այսօր Աստուածութիւնն զուարճանայ» ցնծայից շարականը և սկսվում Ձեռնադրության կարգը՝ Ավագ սեղանի առաջ:

Եկեղեցական թափորով Մայր տաճար է իջնում Վեհափառ Հայրապետը՝ ներկա լինելու ձեռնադրության հանդիսությանը:

Մայր տաճարի կամարների տակ հընչում է «Աստուածային և երկնաւոր շնորհ» հոգևորական կոչման հոգեգմայլ շարականը: Նորընծաները Ավագ սեղանի վրա դառնում են դեպի ժողովուրդը՝ վերամբարձ ձեռքերով, ի նշան աշխարհից իրենց հրաժարման: Ապա երբ դեպի Ավագ խորանն են շրջվում, տ. Հուսիկ եպիսկոպոսն իր ձեռքերը խաչաձև դնում է նորընծաներից յուրաքանչյուրի գլխին և ասում. «Ես դնեմ զձեռս ի վերայ սորա և դուք ամենեքեան աղօթս արարէք, զի արժանի լիցի սա զաստիճան քահանայութեան, անարատ պահել առաջի սեղանոյ Տեառն Աստուծոյ»:

Հետո շարունակվում է ս. պատարագը մինչև «Ողջոյն տուք միմեանց» քարոզը: Նորընծաները օրհնությամբ ստանում են քահանայական փիլոն և պատարագի զգեստներ:

Ձեռնադրության խորհուրդը հասնում է





Ջեմադրությունից մի պահ



իր լրումին, հոգևոր վերացման սրբազան բարձունքին, երբ ձեռնադրող սրբազանը քահանայական լրիվ զգեստներ հագած երկու նորընծաների ճակատն ու ձեռքերը օծում է սրբալույս մեռոնով և նրանց հոգեւորական նոր անուն շնորհում: Սարգիս սրկ. Սարգսյանը պահում է իր ավագանի անունը՝ Սարգիս, իսկ Վազգեն սրկ. Ասատուրյանը վերանվանվում է տ. Ավագ քահանա: Այնուհետև նորընծա քահանաներն իրենց առաջին օրհնությունն են տալիս ժողովրդին Ավագ սեղանից:

Օծման արարողության ավարտին, օրվա խորհրդի և շնորհաբաշխության առթիվ, հայրական գորովով լցված խրատական է խոսում Վեհափառ Հայրապետը՝ «Եւ ամենեքեան լցան Հոգովն Սրբով» բնաբանով, վեր հանելով նախ Հոգեգալստյան տոնի հոգևոր, պատմական նշանակությունը քրիստոնեական առաջին եկեղեցու կազմակերպչական գործունեության և համաշխարհային քրիստոնեական առաքելության բնագավառում: Այնուհետև Հայոց Հայրապետը բարեմաղթում է, որ նորընծաները,

որպես հայ եկեղեցու նվիրյալ և գիտակից ապաստվորներ, իրենց ապագա հոգևոր, եկեղեցանվեր, հայրենասիրական առաքելության մեջ միշտ տոգորված լինեն տ. Հոգու գործությամբ և մեր նախնաց վերանորոգիչ հավատքով:

Նույն օրը, երեկոյան ժամերգության ժամանակ, Մայր տաճարում կատարվում է վեղարի տվչության կարգ նորընծա տ. Ավագ աբեղայի:

Համապատասխան աղոթքներով և ս. Գրական ընթերցումներով տ. Հուսիկ եպիսկոպոսը նորընծայի գլխից հանում է հին մարդը խորհրդանշող սարկավազական «ջրբունը» և այն փոխարինում կուսակրոն քահանայությունը խորհրդանշող հայ եկեղեցու վեղարով:

Նորընծա տ. Ավագ աբեղա Ասատուրյանը և նորընծա տ. Սարգիս քհն. Սարգսյանը իրենց քահանայական ձեռնադրության քառասունը կանցկացնեն Մայր Աթոռում, հոգևոր վարժության ներքո լուսարարապետ տ. Հուսիկ եպիսկոպոսի:

## Տ. ԱՎԱԳ ԱԲԵՂԱ ԱՍԱՏՈՒՐՅԱՆ

Նորընծա տ. Ավագ աբեղան ծնվել է Բաղդադում 1942 թվականին. ավագանի անունով՝ Վազգեն:

Նա իր նախնական կրթությունն ստացել է տեղի հայոց Թարգմանչաց և Սվաճյան ազգային վարժարանում: Այսպես հաճախել է Հիսուսյան քոլեջ և Ալ-Հիքմա համալսարան: 1968-ին մեկնել է Միացյալ Նահանգներ՝ իր ուսումը կատարելագործելու համար, և սովորել ս. Փրոքսիմոս քոլեջում ու, 1970 թվականին այն ավարտելով փայլուն հաջողությամբ, ստացել է «Պսակավոր Սրվեստից» տիտղոս: Այսպես հետևել է Նյու Օռլեան Թուրեյն համալսարանի փիլիսոփայական դասընթացներին և վկայվել փիլիսոփայական մագիստրոսի գիտական աստիճանով 1971 թվականին:

1973 թվականից նա հաճախել է Նյու Յորքում ս. Վլադիմիր օրթոդոքս համալսարան և այն ավարտել 1976-ին՝ «Աստվածաբանական մագիստրոս»-ի տիտղոսով՝ ավարտաճառ ներկայացնելով «Ա. Գրիգոր Նարեկացին որպես միասիկ»:

1975-ին սարկավազ է ձեռնադրվել Նյու Յորքի հայոց ս. Վարդան եկեղեցում՝ ձեռամբ թեմակալ առաջնորդ տ. Թորգոմ արքեպ. Մանուկյանի:





1976-ի սեպտեմբերին ժամանում է Մայր Աթոռ. նա, իբրև ազատ ուկրաին, հետևում է հայագիտական և հայ եկեղեցագիտական դասընթացներին հոգևոր գեմարանում

և միևնույն ժամանակ անգլերեն լեզու դասավանդում:

1977-ի մայիսի 29-ին, Հոգեգալստյան տոնի օրը, ձեռնադրվում է կուսակրոն քահանա:

### Տ. ՍԱՐԳԻՍ ԲԱՀԱՆԱ ՍԱՐԳՍՅԱՆ

Նորընծա տ. Սարգիս քահանան ծնվել է 1939 թվականին Սիրիայի Հալեպ քաղաքում: Նախնական կրթությունը ստացել է տեղի Կիլիկյան հայոց վարժարանում: Ապա երկու տարի սովորել է Կիպրոսի Մելքոնյան կրթական հաստատությունում: 1956-ին ընդունվել է ս. Էջմիածնի հոգևոր գեմարան, 1957-ին տ. Սահակ արքեպիսկոպոսի ձեռամբ սարկավագ է ձեռնադրվել: 1960-ին մեծ հաջողությամբ ավարտել է հոգևոր գեմարանը և, իր աստվածաբանական ուսումը շարունակելու համար, մեկնել ԱՄՆ և ընդունվել Քեմբրիջ քաղաքի եպիսկոպոսական աստվածաբանական դպրոց: Մեկ տարի հետո փոխադրվել է Նյու Յորքի «Ջեներլ թեոլոգիկլ» սեմինարիա և այն ավարտել 1965-ին:

1965—1967 թթ.՝ Պրովիդենսի հայոց եկեղեցու հովվի օգնական: Այնուհետև, 1967-ին Սան Ֆրանցիսկոյի հայոց ս. Հովհաննես եկեղեցում ծառայելով, միաժամանակ հետևել է քաղաքային համալսարանում գրադարանային գիտության և 1969-ին

հեռակա կարգով ավարտել Չիկագոյի «Գրքիչըր ինստիտուտ»-ի անգլերեն լեզվի բաժինը:

1973-ին վերադառնում է Մայր Աթոռ և նշանակվում հոգևոր գեմարանի ավագ վերակացու և դասախոս:

Նորընծա տ. Սարգիս քհն. Սարգսյանը և տ. Ավագ արեղա Ասատուրյանը գտնվում են իրենց հոգևոր և մտավոր ուժերի զարգացման խոստումնալից շրջանում: Երկուսն էլ պատրաստված և իրենց հոգևոր կոչման բարձրության գիտակցություն ունեցող նորընծաներ են:

«Էջմիածին» ամսագրի խմբագրությունը ջերմորեն շնորհավորում է նրանց քահանայական ձեռնադրությունը այն հուսադրիչ լավատեսությամբ, որ նրանք իրենց սպագա եկեղեցանվեր ծառայությամբ կարողացնեն Հայոց Հայրապետի բարձր վստահությունը և կոչումն «մշակք սուսնց ամօթոյ» Տիրոջ ազգու ծառայության մեջ, ինչպես նաև հայ եկեղեցու հոգևոր սպաավորության նվիրական ասպարեզում:

